



白按臺德政栢蔭錄

利

全楚治下生童詩歌集

張星耀 武昌府學

小序

古人重知己。薄感恩。甚矣知己之難也。然所謂恩者。不過如退之云云。日受渥賜。一歲九遷。烏爾其爲恩也。亦簡淺矣。鄂郡首庠。氣運偶歇。說者歸咎鬻宮。耀不揣附同事。匍匐當道者五載。訖無成議。會我

師按楚慨然立可其請捐貲鳩庀維新多士懽欣鼓舞人人思奮從此成人小子德造譽髦皆仗覆露之遺也此其恩豈獨耀一人身家旦夕之故哉嗣是我

師觀風武昌故事試牘盡屬委闕甲乙一定隨而付之獨我

師冰鑑電掣案積如山立時揮訖借公餘簡選自出手眼字柳句比卽置卷每無遺評耀竊厚幸獲

賞識僭首且眷注殊篤直將以新宮氣運相期者我師之於耀也感恩知己兼之矣先是十五城中歌誦恩德者上自紳衿下逮匹夫匹婦萬口同碑耀懼其久而散逸不稱楚人銘纓之意遂率同志集題栢蔭錄以俟後之採風者因是揣摩成賦猶虞未暢欲言復猖狂作歌續誦以聲私淑亦庶幾召伯甘棠之詠不至獨有千古云

賦曰繫維熊釋肇封荆郢定域翼軫分列宿於天

關衡和昭方鎮於地軸。大江九折兮。滌迴幅幘。
萬里兮。紆曲東通鄧裕。西逼秦蜀。南按匡瀋。北
控商洛。漕蘭沅芷兮。發瀟湘之靈。石鼓寶瑟兮。
張洞庭之樂。陽春白雪兮。儲飛龍之上都。曉霞
雲陽兮。藏列仙之寶錄。蠶茲有苗。各閑谿谷。火
種刀耕。朝獵暮漁。民熙熙而皞皞。無攘攘與逐
逐。道德揖遜於仁里。冠蓋追隨於名衢。宗子維
城。安靜受福。虎背龍驤兮。行禁衛於要津。鶴汀
鳧渚兮。樂播種而乘屋。苟非

列聖休養之弘恩。民何以衽席而無虞。自茲以往。時
易風移。兩遭闔戶竊。

命橫恣。始者當關而爲暴。虐及行旅兮。害切黎民。後
者飛構以流殃。毒肆當道兮。慘切鄉紳。採辦日
煩兮。梗楠杞梓。克

明廷東西抗顏兮。芻糧芟築遵

王程。徵調絡繹。整旅宵征。蕪之流賊。壓境逃兵。震隣。

潛沔遭陽侯之怒兮。沔邪皆龍蛇之區。鄂岳馮
祝融之噴兮。旣燹摠焦爛之餘。銀潢繁衍兮。鮮
克由禮而食之者衆。土司騷動兮。膽不畏威。而
伺我者密。民迫水火益深。益熱。

新聖踐祚。甫及三春。繼懷我楚。實勞

聖心。增兵則拊髀而思。頗牧之將。減賦。又無計而效
巧婦之能。宵旰憂勤。遑遑靡寧。乃顧鵷班。

簡命重臣。天生我

公太華儲精。胸蟠丘索。腹壯甲兵。明豁洞達。聖
淵沉橫。翻瀚海兮。乘秋風而奮跡。鼓鬣大池兮。
破巨浪於春明。登瀛洲之妙選。重聲價於南金。
碧鷄金馬。木天蜚英。嘉謀嘉猷。入以告

君。

天子曰都。惟爾之能。楚方多故。乘驄借行。繡斧霜威。
白簡風生。甫入疆之。綦履快覩。夫景星之與慶。
雲首重民之疾苦。實切乎痼瘵之在乃身。問察

兮。猶醫王之審盲。察撫綏兮。乃慈母之哺孩嬰。
一聲叱咤。鬼泣神驚。貪墨生膽。邊之冰雪。汚蠹
轟頭上之雷霆。憑城憑社。潛踪匿形。滔滔江漢。
綠林縱橫。白晝嗜殺。樓櫓銷魂。

公歿渠魁。中路陳兵。高將領之宇舍。警哨巡之鐸
鈴。旅獲安堵。人頌澄清。觀風問俗。自延儒生。續
眞脉於洙泗。衍正派於關閩。春風絳帳兮。橫襟
滿馬融之席。青天夜月兮。高談悉鄉衍之倫。方
誨人於不倦。并禮數而寬程。聿脩文教。克詰戎
兵。赳赳桓桓。桃李公門。鳴弓破的兮。盡大風之
猛士。撮米成山兮。皆絕塞之長城。尊崇

聖教兮。輝金碧於黌序。聿新廟祀兮。正綱紀於明煙。
賑澤國之流移兮。起斯民於魚驚。實倉廩之空
虛兮。防庚癸於脫巾。平易乎市廛兮。旣一毫而
莫取。雖臣門如市兮。心比水而更清。功者使而
過亦使兮。示更新於寀庶。賢者禮而貧議助兮。

乃篤惠於宗盟。關梁攸賴。跨虹凌雲。豈乘輿之
小惠。而僅濟人於洧溱。各酋稽首。負弩欽承。
公言不再。令出惟行。前旌所過。鷄犬無驚。盜弭兮
夜戶不閉。法愬兮案牘無停。民歌父母。吏凜神
明。與四民於磐石。樂三楚於昇平。猗歟我

公。栢蔭何深。赫赫楚邦。均憇其陰。惟予小子。盾魯
不文。謬辱首拔。獎誘殷殷。自知非望。實荷蒙悁。
迺不揣而爲之。亂語曰。

栢臺煌煌。祥鳥來翔。我

公爲政。民樂未央。藹藹栢蔭。遍楚之疆。江漢湯湯。
我民不忘。千載繫思。比於甘棠。

長歌行

歌曰。曾讀南國蔽芾歌。一拜猶然呵護多。竊怪楚
風久絕響。江漢蕭條空自波。岢嵐峯高二千丈。
汾晉合流恣滉漾。中有真人負磊砢。天際欲作
薄海想。落筆驟雨更馳風。閣下絲綸推巨公。中

秘圖書搜覽盡。暫策江南避道驄。江遭遭際何
太奇。

帝輟侍從恤其私。狐鼠影寒鸞鳳舞。春秋生殺惟其
時。吏畏民安十五城。時時霽色禮儒生。沙羨文
運偶屯蹇。崇在鬢宮衆力爭。難與慮始嘈雜甚。
築室三年訖無成我。

師慨然排衆議。山川走集聽經營。佳氣鬱葱開不
偶。一朝圯廢看崢嶸。耀也不才忝首事。磨勵自
愧無青萍。何期夔下值桐尾。元歎於今再得名。
淋漓元氣慚評語。居嘗顧影妄自許。虞翻知己
恨一人。再敲再則空延佇我。

師法眼大如箕。小子何人敢張楚。從茲拂拭價倍
前。欲報深恩緊着鞭。白雲在天木在地。安能使
雲長周旋。庶幾努力燕臺路。流影今昔尚宛然。
中區赤子望霖雨。苦箇經文復緯武。拔轅臥轍
楚人情我。

師那得私三戶。三戶誦聲徹曉昏。衮衣章甫歌且舞。採風奕世會有人。栢蔭森森足千古。

道上吟

風裁

張網埋其輪。豺狼皆惶懼。抃拯事糾彈。白僚歛手去。昔人何足云。偉哉

白侍御

文翰

風雅賽水懸。藻艷奪玉蟾。視草春雲合。摘辭月露妍。不意雕龍客。來從補袞賢。

忠勤

悠悠楚山道。迢迢五千里。來往不週星。百事皆就理。鞠躬寧辭瘁。勉勉直指使。

清肅

侍御昔云行。酌水紛相餞。餘威令人懷。如霰朝見。覲湖水與夏日。氣味兩相擅。

輯野謠

惡餉

聖主念憂邊。百萬事戎服。千里饋糧。士苦不足。誰其同憂。禁中頗牧。出頗牧。輸萬斛。

修備

沉鎗臥莓苔。荒堞長蒿菜。地雄南服。恐資盜魁。我公飭之。彌豐樽壘。彌樽壘。楚壯哉。

計荒

流潦穿我屋。驕陽殺我絺。五年三饑。十室九哭。公來何暮。穀則滿鹿。鹿穀滿鹿。吾鼓腹。

崇儒

文移昔未第。渴睡妄相誹。燕笑雀譏。村農醉尉馬。遭伯樂。今始吐氣。秦士賤。今士貴。

彰行

有鰥淚枯目。高行怒割耳。鬼泣窮山。影弔孤几。白日易匿。玄隧誰誅。隧誰誅。今青史。

鋤暴

養鷄不畜狸。牧羊不將狼。爪牙既利。血肉為糧。檻
柙斯設。汙可小康。誰為者。繡衣郎。

恤士

終日手一編。饑來不可煮。曳裾侯門。隸胥呵阻。長
鋏歸來。送窮無楮。窮無楮。今重楮。

水防

士衡昔之舟。戴淵肆縱橫。風濤非險。荏苒寔驚。投
人委蛟。白骨相撐。重戍設。布帆輕。

段以熙 武昌府學

恭頌實蹟三十七韻

天欲開治平。

聖主先霄肝。眷眷宇未寧。側席思楨幹。首甄命世英。
掄拔遍瀛翰。三晉挺間生。卓犖人倫冠。簡畀我澤
邦。欽哉資修扞。惠鮮三戶氓。仰釋南顧歎。勁骨嶽
嶙峋。剛腸日璀璨。窳鄙若奏刀。筋脈司條貫。所重

在本根。亟行軍國難。涓滴盡臣心。周咨徹閭閻。無
燭輝几筵。有心照流散。素絲著水蘂。亮節昭雲漢。
百計規便易。傾儲禦災患。砰轟海嶠立。破石妖蛟
竄。矧彼鼠與狐。裂缺光歛燦。民兮袒衽席。永辭
蠶。虱憲又如濟川楫。驚波免飄漫。百司營所司。劃若
畊有畔。絲粒勿下侵。風紀樹身觀。軍實日蒐討。鼓
勵勤穀鍛。緯武寔經文。先登於道岍。濂洛肇崇祠。
鬻官鬱魏煥。十年人士懷。一日春水泮。指顧風雲
開。驕驪血盡汗。百城翁僂來。肅靡秉珪瓚。侃侃
閭閻。休休而斷斷。抒懷千里輕。重趼走枯骨。注嚮
江趨海。歡呼鵝荅鶴。尸祝如恒牙。烝嘗爭獻裸。亦
有召伯棠。南國今猶讚。亦有羊公碑。千秋同絢爛。
古栢陰森森。勁挺歷霜旱。祥鳥日嘒嘒。食報應無
筭。衡峯高復高。

公德儼天半。江湘深復深。

公澤浩以瀚。願袖兩清風。碩膚邁公旦。黽勉贊綸扉。

萬邦歌楚諺。

周士楨

武昌府學

衡霍動搖江漢清。繡衣持斧東南行。天祿石渠書
幾庫。烟烟流電一夕橫。燕許文章推手筆。偶然落
紙風雨驚。帝念江南瘡痍久。楚天半壁付支撐。
紛紛組綬委衢路。鼠失社兮狐亡城。風旨想聞驚
悸作。何屑刺刺與之爭。窮簷從此得穩卧。稂莠除
兮嘉禾生。清問下民更無已。谷氣乘條羣木榮。百
年利病勞築室。興除一日看崢嶸。文事會羨武備
飭。韎韐衿紳總刻銘。吏畏民懷等閒事。蘆葦澄清
如負寔。網開三面多平反。雲霧淨盡四垂青。脩舉
廢墜不貲甚。矛盾城隍與障祊。橋梁厥坳金勝蹟。
事事捐助費經營。楚人有弓仍還楚。剩得清風駐
蒲簾。一琴一鶴何足道。翻嘲古人浪得名。道脉瀝
溪推楚澤。堂廡不具門牆傾。我

公淵源有所自。鳩工庀材不日成。鄂渚豐宮偶中圮。

多士匍匐號於庭。盈庭衆議紛難決。我公毅然持其平。地靈人傑關理數。多士蒸蒸刷脩翎。况復文翁能化誨。大扣小扣聲嘈呿。吁嗟我公今無比。韓范毆陽弟與兄。棠陰鬱鬱編湘澤。峴首嶙峋仰典刑。扶杖願緩須臾老。兒童竹馬追且迎。天生李晟爲社稷。三戶那敢淹輜輶。安得我公節鉞楚。借寇一年福又星。輿人有誦比章甫。傾耳

中和滿清聽。

苦文光

武昌府學

從來稱大人。上稱善圖君。下稱善圖民。圖君者維何。君憂在行師。師行苦糧困。四方扼委輸。誰能攄忠悃。君憂在南楚。羣夷乘隙間。畏威與懷德。缺一則病偏。君憂在祖德。廟貌當更新。煥之以丹青。永展孝思心。君憂在本支。徽猷思克裕。儲用饒餘資。親愛迺爲至。君憂在士風。學宮宜廣礪。優之覆如天。載之厚如地。棟宇且再恢。聖宅無圯散。凡政有

大綱總為釋當宁。備哉。

白夫子代天總庶務。一切無礙。朝廷取奉予。

公心如水鏡。清潔無滓。濡得之。錢贖者。盡乃籌軍國。動以萬計。出聊借慰君側。下若吾民者。時弊多瘡。疾商賈病在市。官取非其質。農耕病在野。稱量多其餘。馬戶病在途。橋折與路歧。豪棍合積惡。張網日肆羅。備哉。

白夫子殫心除荆棘。可使吾民委曲無顧惜。朝至一城東。眾惡盡伏辜。暮至一城西。羣黎悉載福。虎冠聞膽破。不敢剥民膚。鼠盜越隣國。不敢過吾途。休哉。

公善政。上下咸相悅。有如女媧氏。可以補天闕。有如大禹王。可以通山澤。世人嗜宦情。罔利不堪揭。但無巧濟貪。已不稱民賊。有能傾儲財。如揮土與屑。君心樂無為。為民情遊安宅。百代仰清風。緒言歌不輟。

林唐生

江夏縣學

古來任事多腐儒。網踈或漏吞舟魚。明廷安得無
冤民。使君未來楚多龜。白日九尾飛城隅。民間搔
首盡痴癡。列缺不躍雷霆枯。使君下馬泣無辜。腰
下閃閃三尺鉄。明日印綬紛委衢。何況穴中狐與
鼯。使君精鑒還自殊。相士徃徃獲神駒。他年簪筆
立殿隅。左手青霜冽奸符。右手雲章封薦書。咲汲
內史慙猶迂。政成今且續臯謨。

劉柱明

江夏縣學

湖湘從古稱名勝。今日民窮財且盡。更加蠹螫害
人深。衆口嗷嗷誰復問。吾

師奉命來我楚。下車首詢閭閻苦。政簡刑清冤抑伸。
德意初布歌且舞。一輪明月照三江。兩袖清風化
日長。枳棘化矣蝨賊除。交穗兩岐無附桑。聯握遐
邇萬事理。剔弊興衰樹綱紀。泮宮芳草久萎湮。慨
然捐俸思振起。化雨栽培喬木榮。春風披拂人文

盛口碑嘖嘖十五城。兒童拍手士女吟。方將績奏
喜還。

朝。膝下欣欣變號號。惟願我公積福齡。方來未艾睹
駢臻。青瑣栢臺何足數。及側寧兮海袋平。

陳斯禮

江夏縣學

西山種鳳彩。

五位試龍軒。既捷瀛洲選。俄承驄馬恩。瀛洲驄馬姓
字履。長安燕市爭馳逐。

簡命渥膺鎮楚江。鴻猷大試卑衡麓。振綱肅紀日星
垂。剔蠹釐奸狐鼠伏。鼎學興賢士氣揚。拙符諭屬
民禔福。十五恩流盜似春。百千棘類凜如暴。冰壺
秋月誰等倫。威鳳翔鸞弁縉紳。烁夜月明無犬吠。
中天霜肅有鯨馴。觀風校士收竒壁。書院掄才接
異珍。調羹聊借烹鮮試。補

袞先從直指新。偶爾奉

天憲。萬民誇水平。治行推冠冕。神明播省京。還

朝奏績上。殊勲

廟廊聞。廟廊欽服不可量。黃麻紫誥類類至。姓名日
日覆金甌。臺省暫辰敷

玉陛謾談鼎鉉。勒凌煙。且道遮留遍楚治。草色山光
皆治形。士傳民語盡芳聲。紉錄建祠揚盛美。崇思
峴淚未江衡。愧匪如椽筆。深同億兆懷。聊陳三楚
政。未罄萬斛才。繪聖真非易。模天工欠恢。竊附輿
人誦。惟需史氏裁。

陳良胤 岳州府學

古言遊豫民休助。幸覩我

公今召父。自從攬轡下江湘。慷慨迢迢清驛路。冰霜
六月怯天寒。雨露三春草木甘。明月荒村無犬吠。
良宵枕簟夢魂安。發奸摘伏無遺地。社鼠城狐皆
遠逝。江山歷覽任週遊。驟駢皇皇觀節制。我
公惠政不可量。我

公好士每多方。黎民撫字心無倦。漢室循良再范滂。

江邑地勢多卑濕。要路浸淫艱揭厲。我

公捐貲修圯堤。雲土橋梁觀作乂。民無病涉縱驅馳。
黃鳥緘聲不敢啼。偃倭提携皆樂步。仁風汎掃淨
元規。國有風方民有俗。敢把俚言作貂續。愚生莫
禁頌賢良。願將梓入栢蔭錄。

陳我備

武昌府學

我聞玄嶽巨天長。上通帝座接玄王。千尋鉄幹友
蒼旻。萬尺孤峯立混茫。中誕鉅公備灑氣。腕間節
節青蓮香。賦就湘靈神鬼助。文成雲錦女牛襄。有
時一展經綸手。後不留餘前不傍。大名今古皆震
蹕。遠超鸞闕與龍荒。噫嘻我

師何殊絕。黃扉日麻而微芳。絲綸閣上文如繡。烏栢
府中筆似霜。

天子特簡入三楚。威名直逼埋輪綱。騶虞之上豸之
觸。一方越歲無封狼。清風謾謾沁肌冷。贖鏹盡還
楚之疆。鶴韻高旻聽土拍。鳳音清漢奏瓊簞。學宮

書院同息造。冊室銀墉與桂栢。鴻達鷺岸規天路。
盡屬吾

師。飛李芳。况歸利賴同華絢。天地無功借輝煌。誰爲
吾

皇起炎土。居無瘡痍道無僵。請爲吾

師一頌述。真仁真威先清光。巡竟入錫玄圭告。仍歸
中秘升王堂。一朝殿閣功施重。

龍衣絲飛羨鼎嘗。斯時大宛吾

師用記取江濟舊種棠

王則臯

武昌府學

烏府庭前環種栢。古幹嶺屹勁千尺。翠葉森森拂
斗寒。賸有清陰蔽阡陌。風雲常護老龍根。雪霜不
渝青虬色。高節豈作鼉鼉綠。能令雀鷄相嘆惜。大
塊陽和遍九垓。文章掩映孤桐嶧。肯教凝沍歷歲
寒。正氣獨留天地脉。清風不受秦大夫。遺愛詎遜
燕公奭。李相宅中三枝槐。張君隴上西岐皮。功名

政績總堪傳。誰似此栢擅魏赫。鬼神有心紛愛護。
栽培養就參天碧。瑰異本爲梁棟資。神物何怪造
化惜。一朝大匠劬雲根。清廟明堂隆柱石。朝共扶
桑夾日御。還與眞靈承。

帝澤此栢庭前植已久。閱盡主人自疇昔。雅操只今
誰共儔。惟有我

公云姓

白。

其一

陳士彥

武昌府學

聖主臨軒策治平。叮嚀

天語屬元臣。手有雷霆皆雨露。心懸衡鑑盡絲綸。無
幽不燭探民隱。百物乘春沐至仁。閭里頌歌成鼎
沸。調羹功著汗編新。

其二

周程道脉自江湘。三晉眞儒衍派長。祠敞不恩新
俎豆。祀隆穰穰備丞嘗。鯤鵬飽奮秋風翮。桃李欣

同春色芳。萬戶鄂城尸祝滿。慶綿瓜瓞九如章。

張大統

江夏縣學

貌姑汾水鐘靈異。篤篤生至人。爲世瑞。

聖主龍飛側席求。召入承明讀中秘。讀盡中秘五車書。倚馬萬言取諸寄。乘興亦復喜臨池。臨池深得鍾王意。不屑人稱鷄鶩名。爭傳海內蛟龍字。道德文章兩者全。養就

廟堂公輔器。

天子眷茲湯沐鄉。命公直指乘驄至。躬膺

簡命詠

皇華。萬里澄清歸攬轡。吁嗟吾楚久凋殘。思爲民間垂木利。十七郡國遍巡行。朝不暇餐夕不寐。剔奸釐弊與更始。望風解綬驅墨吏。郡邑昏徒不舞文。咋舌相戒咸驚怖。豪俠大姓恣橫行。但經創艾毋容肆。簿書字字經手裁。一切躬親甘勞勩。力任興學育材賢。時進諸生譚精義。津津名理正人心。忘

却貂蟬繡衣位。楚俗皆窳欠澄平。斧斨朽鈍干戈
墜。一朝水陸詰戎兵。不獨崇文兼武備。剩得一囊
冰玉清。贖銀總爲軍國費。愚生壁立不知貧。謬叨
持達垂青視。種種仁聲難盡誼。俚語聊同擊壤聲。

李赫良

武昌府學

王堂繡斧出天閭。二楚曾來殊未嘗。况在臺端
不踰歲。用才超格羨
於皇。我

公三晉之一士。天星耿耿在文昌。每從柔翰露正
氣。

帝曰代朕莫茲良。天廐牽出青驄馬。殿前神駿太昂
昂。錦韉玉勒快鳴鞭。親授我

公

肅皇鄉

公曰知我真難報。洗心滌胃焚香告。稜稜霜氣忒
侵人。易向草心無強覩。兢兢察吏緩察民。千古

青旻歸浩浩。刻限幾日卽改郡。郡尙不知已載道。度尹龜勉而用心。雲也油然雨也膏。神化所遇不崇朝。民則安矣。

公獨勞。約畧所入之贖。鎗盡還地方。無羨兩。或宜興作。或補葺。有請輒頒靡稽賞。誓將秋葉比行裝。真正廉明而飢饉。書院之役楚也無。江湘斯文而快快。濂溪洗發乃歸。

公五百年來得玄仗。流濕就燥豈偶然。道州平定司景仰。愷悌作人猶未已。武昌三科鵬不起。形家歸警類之宮。幾年控額等流水。公也慨然毅任之。

聖靈山靈同此徙。一時文運賴提挈。英雄輩出請從此。憐才好士感真忱。五岳雲中爭仰止。巍巍明德更何窮。一片瑱珉勤黷祀。苟歸利賴卽從新。補天補地恩維鈞。以楚之財還造楚。念付岳神與江神。扶筇父老皆交口。廉威廉幹古無倫。祈

天留

公常福楚。大燾高牙。夏水濱。

帝之知公在格外。至德薦馨天可親。良也一介之賤士。抱竿齊門亦濫吹。偶從衆中混收之。敢引絃。寘爲氣類。但入大冶。盡祥金。側身鞬爐而自愧。旣安大化更何言。謂天蓋高高且邃。夏蟲春蚓。特一鳴。宣籟不謀而自至。

楊佳胤

江夏縣學

繡斧光無際。其力可移山。飛雪破衝雲。分雨潤荆蠻。治績挿霄壤。聲名重閭闔。區區燹下餘。獲入譽髦關。惟

師德教深。雲泥俱可攀。功著十五國。小不遺窮孱。軍國非無事。况復值多艱。惟

師化兩長。城狐已格姦。

天子重親親。古文出玉綸。惟

師作其忠。宗子歌維垣。泰山而北斗。昌黎讓其班。

隆隆衡嶽起。振振九苞還。衽席喜重登。全楚起
沉痾。由茲美俗成。楚風胡可剛。胤也歌於斯。臨
流聽潺湲。

陳如陵 黃陂縣學

大鳳仙才傍斗光。暫違顧問代巡方。中台法象輝
宸極。南國幃帷表

帝鄉入部徵歌誰。白雲佩囊具草自清霜。欲知楚塞
思恩處。畏壘年年祝亢桑。

毛有斐 武昌府學

庚戌尼丘誕。宣聖大而化之莫能名。道未喪天
未墜地。

先生紹起扶斯文。竒嵐保德祥龍翥。

簡命特頒授全楚。明倫七十子服心。新飭黌宮都倣
古。武昌入造享文華。山川草樹吐春葩。鼓腹萬靈
忘

帝力行歌滄浪與木瓜。和薰扇物日舒長。愛景字人

隆隆衡嶽起。振振九苞還。衽席喜重登。全楚起
沉痾。由茲美俗成。楚風胡可剛。亂也歌於斯。臨
流聽潺湲。

陳如陵

黃陂縣學

大鳳仙才傍斗光。暫違顧問代巡方。中台法象輝
宸極。南國幃帷表

帝鄉。入部徵歌誰白雲。佩囊具草自清霜。欲知楚塞
思恩處。畏壘年年祝亢桑。

毛有斐

武昌府學

庚戌尼丘誕。宣聖大而化之。莫能名道。未喪天
未墜地。

先生紹起扶斯文。竒嵐保德祥龍翥。

簡命特頒授全楚。明倫七十子服心。新飭黌宮都倣
古。武昌大造享文華。山川草樹吐春葩。鼓腹萬靈
忘

帝力行歌滄浪與木瓜。和薰扇物日舒長。愛景字人

尊而光。意氣軒軒陶善士。江之永矣漢之廣。逶迤
周道行且止。洞開丹赤從。

天子今日復見漢官威。姓字遠承周柱史。雄才繡虎
彩雲披。落筆一湧三湘水。直起昔人八代衰。袖領
剛鋒驚牛鬼。立懦廉頑鐵面公。森森凜凜白麻叢。
補衮仲山批鱗逆。喜起

天王聖明通。無有作好與作惡。遵王之道及王路。泐
金鐫石到長安。長安頌滿無疆祐。

頌德政三十二韻

陳志益

武昌府學

命世鍾元老。昌期表國師。學窺二酉富。文挾七襄
綦蚤列清華。迭先承特達。知石渠才敏捷。軌影度
委蛇。掌握絲綸重。恩隆蓮炬私。詔從金殿下。簡向
玉堂推。卓異臨龍郢。軒昂出鳳池。三湘遍巡狩。七
澤遍瓜期。北斗天喉舌。南邦世羽儀。一揮迅霹斷。
隻字凜霜披。憲紀百司竦。忠貞萬國規。埋輪驚虎
豹。持斧遁妖魑。豪右皆懲創。猾奸盡屏笞。閭閻安

貼枕關隘靜盤。空日廢欣全。舉羣黎樂措宜。捐金
崇黌社。傾贖濟瘡痍。道脉開周孔。文章炳宋屈。青
莪沐聖化。桃李滿公墀。登湛天潢寵。允旌武胄奇。
工商蠲額派。農耒惜顛危。約法昭星日。豐碑揭市
墻。鼎修供鄂甸。重建扶藩籬。販竊懲株繫。饑寒痛
拯溺。江塲重鞏固。橋岸廣脩飭。騏驎增亭驛。舳艫
益水涯。衆祠陶鎮宇。徧樹峴山碑。柏蔭傳千載。棠
陰表百揆。史重歌擊壤。玄釋祝金禧。獨愧么麼子。
躬逢盛事時。向陽花密迤。近月澤頻垂。會見金甌
注。卽看玉鼎滋。巍勛懸竹帛。浩浩樂雍熙。

張文正

江夏縣學

命承

天子狩江城。此日中原望轉傾。道學昌明新北斗。詞
華高擅舊西京。桑麻日藉千家足。雨露春深萬里
情。逢掖幾慚國士遇。且聽父老祝謳聲。

陳士俊

武昌府學

貼枕關隘靜盤。三日廢欣全。羣黎樂措。宜捐金
崇黌社。傾贖濟瘡痍。道脉開周孔。文章炳宋屈。青
莪沐聖化。桃李滿公墀。登湛天潢寵。允旌武胄奇。
工商蠲額派。農耒惜顛危。約法昭星日。豐碑揭市
墻。鼎修供鄂甸。重建扶藩籬。敗竊懲株繫。饑寒痛
拯溺。江場重鞏固。橋岸廣脩飭。騏驎增亭驛。舳艫
益水涯。衆祠陶鎮宇。徧樹峴山碑。柏蔭傳千載。棠
陰表百揆。史重歌擊壤。玄釋祝金禧。獨愧么麼子。
躬逢盛事時。向陽花密邇。近月澤頻垂。會見金甌
注。卽看玉鼎滋。巍勛懸竹帛。浩浩樂雍熙。

張文正 江夏縣學

命承

天子狩江城。此日中原望轉傾。道學昌明新北斗。詞
華高擅舊西京。桑麻日藉千家足。雨露春深萬里
情。逢掖幾慚國士遇。且聽父老祝謳聲。

陳士俊 武昌府學

高明琳琅臺。臺下蔭栢樹。懋德富淵衷。襟期豐武庫。干旌從賁楚。欣載茸霖澍。法紀肅威嚴。羣工荷陶鑄。章臺收杞梓。太液滿鷓鷯。文旆出楓宸。刑冠凜王度。憲臺清似水。割手割其蠹。七澤三湘寓。蒙恩咸受哺。列城異疇昔。絃直公舉措。世際逞彤庭。山嶽扈鑿輅。巡方卑使事。獻績輸忠素。蔽宸鑿赤烟。棲翔漢朱鷺。慚予景泰交。握管莫能賦。

魏朝聖

江夏縣學

岐山之西汾水東。地靈川秀草木豐。真人紫氣常浮空。鍾英孕淑生我公。星精流光臨凡世。天人之姿迥不同。少小讀書破

萬卷。吞吐丘索。酬墳典。胸蟠雲錦筆如虹。天心月脇。須臾轉。廣聲孝行稱鄉曲。粹若精金溫比玉。清標華岳聳孤高。舊業青廂錦似續。人人盡道公輔才。甲兵十萬腹中排。早年射策動

明王。聲名烜赫齊手魁。木天深處儲重器。玉堂晶曉

讀中秘。天階上帥在文昌。出將入相古人事。
聖憂內顧懷楚人。年年征募往來頻。抒憂權借擎天
手。驄馬行春楚水濱。狐鼠一時皆遁跡。鯨鯢九派
盡匿窟。補袞終歸

廊廟材。爲霖早布蒼生福。千里栢陰蔭楚孩。談經絳
帳春風開。歸心但歌勿剪伐。萬年景仰臺崔嵬。

夏之啓 武昌府學

言從栢下息陰來。萬竅無情聲自開。此陰非復世
間有。玄嶽之西巨靈栽。記自戊辰來

國楨。五丁擁護入

神京。青銅爲柯石爲根。亭亭玉堂作天漿。是用樹之
於太乙。引得薰風勤講習。是用樹之於太極。對茲
老幹正心曲。未幾三戶嘆柱杖。灌薄不可以休息
天子暫移庭前樹。栽向江南民蔭庇。一十五郡聞
除書。魏砌高臺待栢居。繡斧劈開荆棘路。青驄按轡
步徐徐。洞庭雲夢栢下水。衡岳巖顛栢上山。水遠

讀中秘。天階上帥在文昌。出將入相古人事。
聖憂內顧懷楚人。年年征募往來頻。抒憂權借擎天
手。驄馬行春楚水濱。狐鼠一時皆遁跡。鯨鯢九派
盡匿窟。補袞終歸

廊廟材。爲霖早布蒼生福。千里栢陰蔭楚孩。談經絳
帳春風開。歸心但歌勿剪伐。萬年景仰臺崔嵬。

夏之啓

武昌府學

言從栢下息陰來。萬竅無情聲自開。此陰非復世
間有。玄嶽之西巨靈栽。記自戊辰來

國楨。五丁擁護入

神京。青銅爲柯石爲根。亭亭玉堂作天檠。是用樹之
於太乙。引得薰風勤講習。是用樹之於太極。對茲
老幹正心曲。未幾三戶嘆柱杖。灌薄不可以休息
天子暫移庭前樹。栽向江南民蔭庇。一十五郡聞
除書。魏砌高臺待栢居。繡斧劈開荆棘路。青驄按轡
步徐徐。洞庭雲夢栢下水。衡岳巖顛栢上山。水遠

山高思何已。虬枝龍幹獨參天。爲蔭翁斲兩岐秀。
爲蔭蔽芾四民壽。爲蔭泮宮芹藻香。爲蔭驛路車
馬簇。荷歟栢今功德揚。

天子思

公還未央書生無計挽行轍。稽首聊歌栢蔭章。

蔣

藻

江夏縣學

玉筍才名近玉清。暫違侍從代巡行。一囊諫草星

辰動。六轡驄花雨雪盈。吏東刑書閒案牘。村舍古
意靜漁耕。洞庭秋淨宋陵霽。處處絃歌夜月聲。

楊繇達

武昌府學

獨掌絲綸接

帝居。光分奎壁楚天虛。不容狐鼠憑高社。要使芝蘭
拂繡裾。趨帳甫親三月雨。褰帷復脂七香車。恩高
敢謂逢玄賞。况是塵埃動石渠。

楊繇道

江夏縣學

湛露春膏苑李滋。餘薰吹暖到寒枝。自慚駿骨猶

償價不信娥眉尚妬娥。品藻倍增三顧重。彙茅敢
附五雲隨。却忻日月無遺照。錯訝文章是命司。

查天任 武昌府學

長日稀修謁。自然絲繭無。天清人伴鶴。風示吏兼
儒。李愬心非蔡。溫公威在吳。雖云柱後史。烈氣化
冰壺。

陳斯心 江夏縣學

法輿借文穀。垂楊縮鳴珂。柱史且徐發。聽我馳轡
歌。德驥奮途路。飛龍厭池沼。不登五嶽巔。安見羣
峙小。明公產上艾。志軼雲霄杳。昔讀中秘書。探索
蔑塵擾。憶

馮景曜 江夏縣學

公實憤切。軒舉爭臣表。館閣稟生氣。文燁燕畿標。
名世岳鍾表。太行

彤宸特簡按湖湘。行行避馬桓威峻。凜凜埋輪漢節
光。祗席斯民頻入疏。窮簷覆露視猶傷。

聖明眷注澄清績。旦晚台衡覲衮裳。

馬景昉 江夏縣學

楚甸屹然一

帝鄉累

朝代狩簡賢良。銅龍夙倚作霖雨。駉馬特畀肅紀綱。
繡斧霜威超八使。

栢臺仁澤溢三湘。懸知入奏蒙

恩眷。寧獨方城蔭召棠。

周繩祖 武昌府學

吾師白公以文章名世。翫翔於蘭臺名室之上。

一日

簡命按楚。楚人士共相幸曰。

新天子聖明啓運。特遣詞臣。廣棫樸薪禎之化。俾多
士雲蒸蔚煥。共襄厥治。其意穆矣。美矣。匪直期
以吏習民安已也。及吾

師蒞楚。跼蹐澄清。檐帷肅然。每到郡。先問民間疾。

苦政治得失。諸所黜陟。因革靡不酌以已裁。而
運以縝密之精神。不半暮而百廢興。百弊塞矣。
其懲巨奸。鋤強暴。勿避權貴。不徇勢要。蓋有廉
察諸官。威所不及而威之。其誅市黷。肅胥吏。理
冤抑。蠲夫役。平賈價。通橋梁。百姓安堵。耕桑樂
業。蓋有諸守令。惠所不及而惠及之。其練兵卒。
簡器械。蓋有閫制武臣。謀畧所不及而謀畧及
之。其大者我

師捐羨金三千餘兩。改創首郡學宮。建

濂溪先

生書院。立月會以課士業。正文體以端士習。貧
困者餼之。淹滯者拔之。決不銖量於升沉。而問
名於通顯。蓋有秉衡文臣。力不遑及。而我
師無不及之。以故政理閭澤。自青衿縉紳。以逮田
畯野氓。靡不膏沐明德。而歌咏之。歷郡事竣。復
臨武昌。斯時吏凜以職。民畏以法。藩臬諸大夫。
咸以六典受計。而稟成焉。我

師獨揖諸士而進教之。卽操觚問業者日造於庭。應接如響。橫徑談藝。蚤起泉湧。諸生無不飽飫德意而歸。則造我楚士也。亦穆矣美矣。真不負天子策遣至意矣。我

師教化道洽江漢。應運光奮。隆隆翹起。

新天子且內召之。其視昔之巡方。僅僅以吏習民安稱者。何啻天壤。况今之瘡痍者起。凶頑者伏。武健者馴。貪墨者息。所謂吏習而民安之者。又萬於昔者乎。我

師入爲侍從名臣。出爲直指使者。無足爲我師榮。顧三楚重地。楚又稱材藪也。實借我師以爲重。我

師今還

朝報政。一一告之

天子。

天子嘉厥懋績。

重書褒美。大拜於朝。曰。按楚若臣。是豈僅以吏習。民安者同等哉。行將以重三楚者。為天下重。為天子重。則楚人士。邀惠我。

師之重三楚者。又寧有既也。昔王化基為御史。心慕范孟博。每事率多效之。後召對。參知政事。致治雍熙。相業爛然。今我

師以經術飭吏事。又以政事為文章。調燮鉉鼎。佐聖明太平之化。其赫奕聲施。垂之千秋。三楚實藉榮庇矣。緇祖隸在宇下。怙恃方殷。且辱叨鼓鑄之恩。遇實深者。愧擗管弗文。揄揚莫罄。聊以志私淑。附驪歌於未艾云。

明光裕 江夏縣學

潤回江漢。鮒劍淨楚南。儉蒼素入初鏡。溫和軼古珩。榆錢甘雨注。龜貝惠風行。淘盡官私氣。飄飄屈宋盟。

彭尚友 江夏縣學

掖宮嚴折柳。螭送楚天秋。浩蕩瀟湘水。岐凝巫峽
丘。清風盈兩袖。峻氣揭高旂。誓古
宸雷吼。先聲駟馬頭。

李生陽

江夏縣學

調元天下手。楚甸發新硎。廉法修官憲。公私報德
星。北門無肅蒿。南國有春苓。持節揆敵愾。虞瞳遠
注青。

高啓明

江夏縣學

青霜紫電繞南天。三楚風光異往年。主爲儒生私
廣廈。祇先

先聖自淵源。至德乃來江漢末。絕學到處斗牛懸。保
茲

天子生山甫。豈僅南邦着豸冠。

陳士倜

江夏縣學

乘槎使者自瀛洲。行止丰稜鎮楚都。澤蕩湘湖雲
氣滿。威嶙衡岳鳳鳴孤。風恬榆塞無鳴鏑。日麗花

村有賜醕。柱後不須焚諫草。澄清江漢輦
皇圖。

鄭九皋

武昌府學

公乘豹尾車。咨訪甦南土。當道首除豺。六月驅炎
暑。威稜三院聲。凜凜殿上虎。百計圖撫循。士民歌
召父。可畏還可親。恒若神臨汝。栢陰乘其餘。秘閣
賡律呂。頗牧居禁中。明庭仗申甫。重洗湘澤新。歎
手持繡斧。鷹隼化鳳鸞。比屋獲安堵。草木亦知名。
松楸得所主。遮道我

公歸蒼生佈霖雨。袞衣奏膚公。廟廊倚肱股。願言蘭
玉樹。德星耀南楚。

程元節

江夏縣學

代符宣威出鳳池。百僚引領望光儀。清戎課士文
斐武。攬轡埋輪口作碑。旌節表忠揚世宇。籌邊助
餉固邦基。秉鈞大展調羹手。留得棠蔭慰楚思。

舒嘉遇

武昌府學

大澤巖風生繡衣。承明簪筆禦臺威。濡毫時帶花
輓韻。列栢遙分梓署暉。簡拂江濤窺練淨。斧寒岳
色燭霜飛。郢雪繚繞星車度。歷歷清光切太微。

劉台鼎 武昌府學

驄馬巡行吏治清。一時

朝野震風稜。春溫秋肅白千里。雷厲風行十五城。漢
代政施張直指。

明特理學薛文清。太行自古鍾明弼。萬里朝陽有鳳

鳴

小引

王世亨 景陵縣學

自吾

師按楚。湘靈嶽魄罔不改觀。時甫朞月。吏習民安。人
文造就。繇來直指一人也。全楚薦紳士民。皆思爲
公不朽。各有口碑。壁合爲栢蔭錄。壽諸木石。以志弗
諛之意。 世亨 卽寡昧。濫荷知遇。聊綴鄙言三章。以
述所懷。亦遊人婦女之風謠云爾。

五言律

自憐根器別。何幸立門墻。能發高深想。全由孤峭
腸。光清鑑。庭月風凜筆頭霜。吾師鼎勅瀟溪書院。襟明月湖。枕清風
堤。南國皆桃李。其棠知未央。

七言律

柱史龍光度楚城。山川重闢一文明。君師兼就千
秋業。慈勇雙持百世情。月滿濂溪桃李笑。風清祠
閣鶴琴鳴。欲知不朽垂南國。江漢滔滔是頌聲。

五言古體

東南有澤國。三楚古如茲。戶齒雖繁浩。蕩析無安
居。况時有伏莽。盜弄於潢池。時有桂陽諸處之變。美人自西
方。小嶽降靈麤。暫逸柱史駕。乘驄至於斯。至性出
救世。大勇兼弘慈。不茹亦不吐。解繩復理絲。猶良
猶膽落。郢屋歌來遲。

天潢重衽席。桂浦恥聞知。殿寂總因物。生殺豈自為。
清約身率下。樸誠無詭隨。圖書克私囊。盡為軍國

五言律

自憐根器別。何幸立門墻。能發高深想。全由孤峭
腸。光清鑑。庭月風凜筆頭霜。吾師鼎勅濂溪書院。襟明月湖。枕清風
堤。南國皆桃李。其棠知未央。

七言律

柱史龍光度楚城。山川重闢一文明。君師兼就千
秋業。慈勇雙持百世情。月浦濂溪桃李笑。風清祠
閣鶴琴鳴。欲知不朽垂南國。江漢滔滔是頌聲。

五言古體

東南有澤國。三楚古如茲。戶齒雖繁浩。蕩析無安
居。况時有伏莽。盜弄於潢池。時有桂陽諸處之變。美人自西
方。小嶽降靈麤。暫逸柱史駕。乘驄至於斯。至性出
救世。大勇兼弘慈。不茹亦不吐。解繩復理絲。猶良
猶膽落。郢屋歌來遲。

天潢重衽席。荏蒲恥聞知。殿寂總因物。生殺豈自為。
清約身率下。樸誠無詭隨。圖書克私囊。盡為軍國

資。冰霜挾雨露。作君尤作師。人文盡思服。品題靡
所遺。興學澤良遠。肇造貽芳規。

師表堪百世。且瞻有令儀。合屬構公祠於書院之西。瓣香爭敬

祝。謳歌壽日碑。崇文培

國運。公忠勒鼎彝。千載濂溪月。清光無盡期。

高乃聽 江夏縣學

一自烏棲避馬傳。福星全楚覲堯天。相因山斗遙
占日。正是魚龍早避年。雷動三湘清似水。風生九

棘直如絃。請看繡斧經行地。何處清霜不凜然。

周若曦 武昌府學

雲龍風虎際中天。名世崛起生五百年。總為民生安
阜地。心專吏治肅清先。推到陽和寒谷煖。懸將赤
日覆盆翻。黔黎莫遂攀留志。禱祀同聲勒誦篇。

馬鍾偉 武昌府學

明良千載慶相遭。身近蓬萊日月高。金簡書探天
祿秘。皂囊章奏佞冤掣。縉紳南國推牛耳。詞藻中

原展鳳毛。黼黻

皇猷成治世。唐虞贊理屬臯陶。

劉猷明

江夏縣學

攬轡澄清孰與儔。一輪水鏡嶽湘浮。斗南獨重梁公望。天下先凝范老憂。政布陽和霜露德。身如霖雨濟川舟。千秋江漢刊青史。周召迄

公紀壯猷。

計

侗

漢陽縣學

木天之上漸棲鳥。翼軫為巢煥斗樞。斗掛栢臺凝紫極。繡衣駉馬步天衢。天衢日月麗離明。重離草木自生成。樹裏霜楓萬點雪。赤鳥飛繞鳳凰城。鳳凰狹狹依巢栢。栢黛參天蔭水清。江漢澄清紀石蹟。玄黃青紫食忠精。

陶時中

武昌縣學

丹筆流暄澤。朱帷映宿暉。風連冠柱拂。霜載簡花飛。集栢鳥先滿。携琴鶴自肥。還看尊席處。萬里壯

駉威。

朱鴻運

江夏縣學

繡斧雙持楚水傍。歲徒綵筆擅詞壇。文章舊價留
仙禁。桃李新陰映郢湘。千里瘡痍胥起色。四門不
陋盡揚光。憐予區草蒙霜露。何幸移栽上苑芳。

申嘉賓

武昌府學

簡命南巡擁豸冠。勵精圖治此邦安。楚天溥惠沐
膏澤。孔席生春念土寒。辰飲已消塵市詭。宵征不
畏道途難。

九重知切鹽梅望。禹鶴惟將傳說看。

陶一中

武昌府學

膏雨霽霽沛楚中。栽培桃李等天功。龍魚自是多
隨浪。鯤鳥從今盡扶風。栢幹招搖山岳動。豸冠彈
壓鬼神崇。天將木鐸開平治。於變時雍自不同。

呂士弘

武昌府學

絲綸翰墨重明廷。荆楚何修蒞德星。武庫甲兵藩

屏固晶籠蠟燭士民寧方城聳翠瞻雲滴漢水湧
金仰日升樹直泥樓皆瞻落朝陽鳴鳳自
天聽。

表之騏

江夏縣學

鯀生竊比古楚狂長歌之聲逼帝鄉作賓王家叨
樂洋不可一世隨行藏素心能相英豪類

御史白公最爲良青白雙眸分奸善賞罰惟公當否
減文武宗民沾露澤有司合屬效紀綱翰林自是
真才子試看耆歌蕩蕩童謠坏琅使我含哺鼓腹
意態徜徉試觀在

帝旁爲宰相離

帝旁周爰咨諏駟馬駟咨諏已定指其畧使人思栢
如思崇光輝

文廟爰

夫子建立書院砥文章錄表秉彝崇賢哲大堤初修
明德長君不見古人忠臣賢宰封號流芳况今

聖王在上。不日

詔歸侍

殿傍。

賜宴恩濃錦瑟張。

之騏原名之奇

王則洪 武昌府學

初。魁鳳省。接明光。借晉烏臺入。

帝鄉按部。花驄浴漢水。觸邪鐵豸。漁秋霜。栢陰翠地。

芝雲滿赤日。當空社氣藏。騎竹兒童爭臥閣。願持

節鉞更臨湘。

常士英 武昌府學

福星高與斗牛齊。脚命郊行竹馬嘶。事業格天彌

宇宙。文章擅世吐虹霓。宮墻景仰尼山振。德造慙

懃譽髦躋。

聖主有懷思輔弼。端揆更喜際昌期。

李蕃 武昌府學

栢陰歌南紀。高呼覲紫宸。南湘揮善政。北闕煥新

聖王在上。不日

詔歸侍

殿傍。

賜宴恩濃錦瑟張。

之騏原名之奇

王則洪 武昌府學

初。魁鳳省。接明光。借晉烏臺八

帝鄉。按部花驄浴漢水。觸邪鐵豸。凜秋霜。栢陰罩地

芝雲滿。赤日當空。社鼠藏騎竹兒。曾爭臥閣。願持

節鉞更臨湘

常士英 武昌府學

福星高與斗牛齊。脚命郊行竹馬嘶。事業格天彌

宇宙。文章擅世吐虹霓。宮墻景仰尼山振。德造慙

懃譽髦躋。

聖主有懷思輔弼。端揆更喜際昌期。

李蕃 武昌府學

栢陰歌南紀。嵩呼覲紫宸。南湘揮善政。北闕煥新

綸自愧應櫟樗寧堪屬化鈞何時伸鞅線藉以報
深仁。

劉之禹 武昌府學

炎風不動儼澄湘。筆路驅迴握簡霜。內殿詞名推
綵筆。中天法宿有寒芒。時危軫切先荆服。封事咨
籌在皂囊。文雅螭頭兼執憲。超然清譽重南牀。

吳從善 江夏縣學

鳳凰池上啓絲綸。徵詔南巡楚甸新。鉄鉞凜霜泣
兔窟。繡裳麗日謁儒珍。仙姿岳重懷千古。崇德春
深樂萬民。宏才此際蜚名譽。調鼎遙瞻上

紫宸。

張竑緒 江夏縣學

于今三戶凋殘久。却幸一朝庶事康。覓得普天飛
雨露。况饒白日凜風霜。恩流漢水深千尺。名播神
州萬古香。看取謠篇歌綉綉。巴童下里總非狂。

朱華埏 崇陽府宗學

仙郎奉

詔下方城共瞻忠肝照汗青扶振王孫望士氣栽培
賢哲播芳名月明六館梅花淨風送三春桃李榮
破格遭逢真盛事乘時更喜際昇平

趙

乾學
武昌府

北扉才望久知名特簡風猷鎮鄂城王氣千秋開
上國文章萬載起諸生鋤奸牙觸霜臺峻賑困仁
先

帝胄旌遙望

神京天咫尺德星常傍

紫宸明

李存仁

武昌府
學

幾千楚路轉雷車四聽飛威蕩百邪爭奉湘蘭為
德佩願留奇筆示朝霞羣鳥今羨聲常繞五鹿曾
教角盡斜桃李雖多不敢發春風吹及始成花

朱朝會

武昌府
學

多士子衿其沐

恩師之雅化。然亦不敢過爲揚頌。僭事粉飾太平之虛語也。昔人所稱指佞埋輪。神羊避驄。今古又非有異人也。惟我

白大宗師。以天挺。擢麗之才。鈴閣裘帶。琴書雅韻。摠一十七輻。員之廣厚。如曰官肅其度。民安其業。士還其揖讓焉。是綏來動和之風。兵農禮樂之化。市廛商賈之人。猶善政善教之在人耳目。泱人肌骨。觸人奸佞。多士於無可揚頌之中。而更爲殫述。則惟有今日荆綦銅鉉之喙。允也。萬灶沉鬱之衽席也。斯文曠老之蔚起。以應

天子雲龍風虎之昌期也。漪歟盛美。先與赤子父老。加額祝之。作賦於堂。用代口碑。口碑不足。樽俎事之。異其一日千秋。過化存神之君子。芳流百代。竹帛旂常。並垂不朽。語有之。善人爲邦百年。一个臣保我子孫黎民。下車之初。報竣之日。豈

衣繡斧。赤鳥几几。勿以我公歸兮。多士待澤。亦何引引無疆之若是也歟哉。巡狩述職。上答帝眷。賚以良弼。下庇萬靈。濟濟棫樸。薪之薰之。區區楚人。寒帷湘澧。又何久相羈縻也乎。會不避踈陋。竊附仁人之贈。政不敢過為揚頌。然又於無可揚頌中。而過為殫述。則父兄子弟。蔽帝其棠之異。其勿剪伐而已。若曰阿私。則會豈敢。則會豈敢。

陳鳳陽

武昌府學

名世應期見聲華重

帝京秉公昭善政。執法擅威名。胸皎三秋月。恩隆萬姓春。

紫宸加異績。綸綍有阿衡。

伍士傑

江夏縣學

聖慮蒼黔遍九垓。掖垣特簡重臣來。前席都俞陽春佈。藉此三公手和梅。

詹灝 江夏縣學

青駮白簡琉璃光。春滿江城路路祥。嶽色已開消瘴癘。風聲蚤振肅冰霜。鳳凰千仞來天上。竒跡瑞翮昭文章。白壁常傾天下士。黃金不作時人腸。玉堂翰藻輝王國。錦陌歌聲震

帝鄉。直指乾坤氛霽淨。高標臺閣姓名香。湘江一帶鯨鯢息。法令三章虎兕藏。制電挾雷照夜白。修文建武沉恩長。錦襜綸繡調鸚鵡。叢玉馬麟踏羊狼。

校獵剪花藏靈檄。上帝揀作居仙郎。黃塵墨霧空一洗。陷穿泥途開雄鉞。龍奮天池飛霹靂。恩涉圉牧剖桃柳。參絃燮理光台斗。持斧風裁竒激揚。戀闕每深崔日夢。瞻闈常動狄雲望。清風已及六聯慰。茂德猶懸九職將。花咲輜軒迓瑞彩。聲高社稷足纒緗。茸霖久沛蒼生色。何日輕帆助馬當。

蕭成榮 江夏縣學

觀光南國政多端。全楚澄清賴奠安。紫氣葱葱烏

府盛文光凜凜栢臺寒。不材敢覬囊錐穎。銳質叨
成寶劍看。

聖主須君還補袞。位登八座列朝班。

郭

衍

江夏縣學

惟茲江漢憶澄清。一觀音容拜舞生。當代文章光
泮水。有嚴武服重千城。輸將孔壘公忠念。撫字惟
寬慈愛情。莫道昔年周召往。甘棠今日可重賡。

楊之奎

江夏縣學

緒出西華遠。靈鍾大地英。乘時龍馬見。熙代哲人
生。雅度弘天壤。威名動

帝京。化鯤先擊浪。射策早蜚聲。

天子憐詩賦。經筵近聖明。玉堂儲重器。金鼎鑄宏名。
忠孝由天植。慈祥自性成。文星卽法曜。庇主在親
民。念楚迫水火。乘驄一借行。隨車訝甘雨。遍地起
旴羸。沉淪寬似洗。鷄犬盡無驚。諸葛謀猷壯。桓宣
吏治精。衡山方重望。湘水比心清。憲秉秋霜肅。威

行夏日并笑談驅虎豹叱咤走雷霆吉甫兼文武
萊公富甲兵折衝雄玉帳指顧落攬捨河潤三千
里春生十五城權呼夾道路蔭滿栢臺平從此覆
南楚萬載懋深陰

劉承芳

武昌府學

朝辭秘院謝迴翔夕請乘驄入帝鄉早有英風搖
楚岳頓教生氣遍江湘囊中草滿堪泣鬼簡上威
傳覺逾霜

聖主祗今勤廟筭吁咈元自屬明良

呂興渭

江夏縣學

簡命初頒日南州慶澤長民情傾鑑影史筆見清
霜士沐仁恩勝驄行

帝里香徵歌惟解愠况復有甘棠

張備藝

武昌府學

江漢已澄清咨詢體

聖君鷹鷂皆斂跡蠹狡盡舒情廟堂金玉客華夏武

文星望尊。丰氣別名。繫九重旌。

王拱宸 武昌府學

報國心懸一鏡明。霜威凜烈儼如神。斗山巨望欽南楚。經緯全才壯北辰。民飭義將詞再造。士蒙時雨起維新。而今四顧烽烟淨。樞密還應借重臣。

范士奇 江夏縣學

仗節執法鎮楚東。文章山斗士林宗。千秋瑞氣分山岳。百代勲名勒鼎鍾。尼山已長新嘉卉。漢水猶思舊德翁。庭閒日午堪調鶴。竚看金章下九重。

李登元 武昌府學

驄馬前驅近太微。一腔心事日光輝。啣恩已慰雲霓望。執法猶驚霹靂威。譽滿京畿聲價重。才高郢曲和人稀。應知仁德榮昌遠。大啓于門夢着鮮。

苦應期 江夏縣學

聖瑞掀翻日。人文逼上乘。星纏依北斗。雲構對南
衡。泮水凝龍角。鵠山聽鳳鳴。千秋開具眼。借寇盡
諸生。

申嘉士 武昌府學

天使霜臺出。宸垣選朴忠。官成稽古力。名達濟時
功。職副旌旄重。才兼識量通。文星專觀虎。辭伯羨
飛熊。肅穆烏臺上。雍容館閣中。含香初待漏。持簡
舊生風。黠吏偏驚隼。貪夫輒避驄。獻書報偉績。題

尺慰

天聰

李居正 武昌府學

承華侍從對金蓮。攬轡周原

鳳詔宣。紫電青霜威栢府。油雲膏雨潤花磚。歌慚下
里音。流水望仰高山力。補天多士歸心弘。化遠行
行肯避五驄鞭。

徐同 江夏縣學

聖瑞掀翻日。人文逼上乘。星纏依北斗。雲構對南
衡。泮水凝龍角。鵠山聽鳳鳴。千秋開具眼。借寇盡
諸生。

申嘉士 武昌府學

天使霜臺出。宸垣選朴忠。官成稽古力。名達濟時
功。職副旌旄重。才兼識量通。文星專觀虎。辭伯羨
飛熊。肅穆烏臺上。雍容館閣中。含香初待漏。持簡
舊生風。黠吏偏驚隼。貪夫輒避驄。獻書報偉績。題

尺慰

天聰

李居正 武昌府學

承華侍從對金蓮。連攬轡轡周原

鳳詔宣。紫電青霜威栢府。油雲膏雨潤花磚。歌慚下
里音。流水望仰高山力。補天多士歸心弘。化遠行
行肯避五驄鞭。

徐同 江夏縣學

聖世從龍第一人。千秋尊貴屬詞臣。玉堂榻下賓常滿。虎觀經談學不貧。鸚鵡裁成左氏賦。驕驩踏破杜陵春。即今袞闕需誰補。定是黃麻相甫申。

楊名譽

武昌府學

雄才經濟仰京都。霖雨宏施萬彙蘇。捧日丹衷懸紫極。凌霜白簡固

皇圖。孔林結構祥光現。繡斧甄陶德化敷。咸喜

聖朝新柱石。四民歌頌滿康衢。

陳有養

武昌府學

日麗朱明淑氣和。化行南國暢恩波。栢臺地重清風滿。藝苑才高白雪多。肯構尼山光燦爛。從新鬢舍碧嵯峨。鳳凰池上迎仙杖。五色祥雲擁玉珂。

程一義

武昌府學

栢臺禦威風。福星千載逢。義漿甦衆姓。時雨沛天宮。落筆驚神鬼。崇恩埒岳嵩。昔日避驄馬。埋輪更見

聖世從龍第一人。千秋尊貴屬詞臣。玉堂楊下賓
常滿。虎觀經談學不貧。鸚鵡裁成左氏賦。驕驕踏
破杜陵春。即今衮闕需誰補。定是黃麻相甫申。

楊名譽

武昌府學

雄才經濟仰京都。霖雨宏施萬彙蘇。捧日丹衷懸
紫極。凌霜白簡固

皇圖。孔林結構祥光現。繡斧甄陶德化敷。咸喜

聖朝新柱石。石四民歌頌滿康衢。

陳有養

武昌府學

日麗朱明淑氣和。化行南國暢恩波。栢基地重清
風滿。藝苑才高白雪多。肯構尼山光燦爛。從新
豐舍碧嵯峨。鳳凰池上迎仙杖。五色祥雲擁玉珂。

程一義

武昌府學

栢臺凜威風。福星千載逢。義漿甦衆姓。時雨沛天
宮。落筆驚神鬼。崇恩埒岳嵩。昔日避驄馬。埋輪更
見

公。

金鳳騰

武昌府學

使星雙劍夜光遙。指顧江山悉動搖。神角觸邪疑
別薦。敢言剛鷲皂名鷗。鐵冠望從臺前栢。珥筆聲
高殿裏椒。三晉餘波欣及楚。巍巍功德紀清朝。
化行江漢奏膚公。攬轡澄清意氣雄。北闕久推千
里駿。南鄉今避五花驄。鑑懸日月歸品藻。威凜冰
霜發覆蒙。何事察淵車飾鷺。蘭臺已快庶人風。

黎民重

武昌府學

晉陽名哲玉堂行。暫借文星按湖湘。執簡威嚴矜
度案。埋輪聲譽樂安康。還燕繡服仍承寵。去楚星
輶載錫光。此日應知韶奏曲。太平
天子自垂裳。

鄧之禎

武昌府學

蒼茫九疑洞庭東。使者南巡問國風。草疏霜含星
象動。江山日助詞壇雄。簪橫丹繳冠為豸。步出周

行馬是驄四野咨。詎知不淺應傾囊筆達宸聰。

郭維城 武昌府學

江漢何緣賢德輝。暫拔金馬駐檐幃。風清楚水波添色。雨化衡山草戴暉。保障移來民飲利。菁莪種去土騰蜚。

公歸譽處留丹輔。遥盼青驄達紫扉。

陳所得 武昌府學

翰閣南巡庶務張。政先較閱錄才良。膠庠勗建興賢廣。祠院新築造士良。褫遠豪奸咸凜凜。栽培善類共洋洋。仁聲義問三湘滿。入相

天朝頌未央。

劉繩堯 江夏縣學

浩浩玄工表萬秋。歌謠誦述摠難酬。誅鋤稂莠培佳禾。指點風雲奮紫駟。清夢月明眠吠犬。片帆風靜棹安流。衡山楚水恩威遍。指日楓宸相冕旒。

王道立

武昌府學

身價從來羨不輕。于今驄馬志澄清。埋輪偉抱三湘服。破竹雄風七澤驚。瀛洲蚤已蜚聲遠。臺閣還看大有成。自是宸衷勤眷倚。出入將相爲蒼生。

胡

覲

江夏縣學

共識聲名重玉堂。親持使節按殊方。乘驄雅望堪擊鶻。下筆匡時凜烈霜。清要摠轄法得體。剛柔吐茹治稱良。須知虎視鷹揚客。久有功能報未央。

魏文燁

武昌府學

一辭柴翰侍

君王更捧

天書巡

帝鄉。肝膽照人心似水。精誠報主操如霜。蒼生被澤歌鴻鴈。墨吏聞風避皂囊。東事不須憂未靖。威名應借掃欃槍。

張

錦

江夏縣

仙才夙重巒坡選。風節獨標柱史芳。繡斧霜焜清
銅墨。冰心玉瑩映滄浪。作人譽髦歌棧樸。由已饑
溺想虞唐。在在祠前行後柳。千年南國蔭如棠。

朱盛瀝

崇陽王
府宗生

憲部原從翰苑來。文章海內羨竒才。霜威凜凜雄
三楚。柏蔭森森遍九垓。

其二

聖主新開科目雋。使君珍重藥籠材。維藩感德如山

嶽。桃李俱瞻春日回。

其一

楊柱廷

江夏縣
學

法星高映楚雲開。一道春風遍草萊。十宥曲隨天
詔下。三章新逐使華來。素絲南國羔羊節。彩筆西
園繡虎才。莫使

聖明虛諫草。興朝又喜作鹽梅。

其二

幸從桃李倚門牆。沐得恩波漾水長。木鐸有靈扶

聖統其棠不朽蔭思皇。鳧飛驛路侵寒碧。馬繞長安踏曉霜。謝却木天應有意。至今謳頌滿瀟湘。

朱盛浸 府學宗生

詞才夫子動明光。行部

君恩雨露香。彩筆文脩金馬客。青藜杖擁繡衣郎。乘驄巡狩塵氛滌。御命徵來桃李芳。科目宗藩新甲第。繩繩公子附宮牆。

朱蘊璞 府學宗生

鸛首承符駐節旄。三湘從此受甄陶。批龍手在威靈肅。繡斧才雄膽氣豪。栢府冠裳趨畫戟。鳳池鞭弭待揮毫。遙瞻兩袖清風志。湛湛露應來

聖主褒。

曾學大 武昌府學

嶙峋繡斧引霓旌。署栢臺蘭挹遠清。禁裏鳳毛揮藻麗。雲中驄馬避塵驚。山開野霧澄湘碧。江振新流大澤平。嶽嶽風稜

天咫尺。繇來清切自承明。

曾學確

江夏縣學

欽詔直指下江城。衆頌忠肝照汗青。隆禮宗藩光

帝胄。鼎新學校重科名。代

天太史因革辨。夢卜端揆世代榮。鄉耆欣逢稱快事。

栢蔭覆載荷公平。

曾學聖

江夏縣學

從來駉馬動山嶽。今稟霜臺恩轉渥。江漢永清息

豺虎。宮牆再造起鸞鶴。燕龍千載疇堪步。將相中

原定在握。此日朝

天應首簡。不須夢卜侍帷幄。

曾學文

江夏縣學

木天栢府近宸聰。計切苞桑奠楚封。處處井棠新

霽色。盈盈桃李播春工。衡山雲淨星辰燦。冀闕天

高雨露通。社稷有靈民有賴。羣情願借袞衣東。

曾士宇

江夏縣學

瑞世文章高北斗代

天政事肅秋霜。陽春有脚歷荆楚。化雨無垠滿漢湘。
桃李森森增國色。神羊凜凜振官常。浩恩不盡東
南壁。指日阿衡惠萬方。

陳臣備

武昌府學

聲華嶽嶽出承明。此日乘驄又北征。翼軫法星光
射斗。江湘慈雨逐行旌。朱明芰荷含香送。黃閣雲
霞散彩迎。恩洽子衿思逾切。中霄但仰太微清。

鄧朝楨

江夏縣學

南國旬宣雨露繁。民情主德兩相歡。青驄掣電三
春煖。白簡飛霜六月寒。瀛洲夙望山川秀。中禁聲
聞社稷安。戴澤不忘歌吉甫。行看重列惠文冠。

程遠到

江夏縣學

賦日才華耀木天。榮登蚤陟玉堂僊。陳言壽國條
金鑑。召對分霄徹寶蓮。簪筆已注

宸衷眷。繡斧南來巡楚甸。恩敷化日扇和風。威振鳴

柳李森森增國色。神羊凜凜振官常。浩恩不盡東
南壁。指日阿衡惠萬方。

陳臣備武昌府學

聲華嶽嶽出承明。此日乘驄又北征。翼軫法星光
射斗。江湘慈雨逐行旌。朱明芰荷含香送。黃閣雲
霞散彩迎。恩洽子衿思逾切。中霄但仰太微清。

鄧朝楨江夏縣學

南國旬宣雨露繁。民情王德兩相歡。青驄掣電三
春煖。白簡飛霜六月寒。瀛洲夙望山川秀。中禁聲
聞社稷安。戴澤不忘歌吉甫。行看重列惠文冠。

程遠到江夏縣學

賦日才華耀木天。榮登蚤陟玉堂僊。陳言壽國條
金鑑。召對分霄徹寶蓮。簪筆已注

宸衷眷。繡斧南來巡楚甸。恩敷化日扇和風。威振鳴

霆走飛電。法鏡高懸。絕炎塵。激揚清濁。顯明神。跋
扈跳梁。俱屏跡。不教前史。羨埋輪。士民仰戴。胥相
慶。祠達碑。留咸頌咏。太平重睹。大賢人。玉兔來祥
占瑞政。興除遐邇。沐鴻庥。勞心處處。預綢繆。乘騶
指日朝。

龍關開府重來寵更優

程性學

黃岡縣學

華嶽儲精久。名都產異人。掄魁孚士望。出狩愜羣
情。隨車沾雨露。此地得陽春。布政如僕志。宣猷欲
返醇。黔黎親旭日。胥隸凜寒氷。慎罰冥頑化。舒征
部屋盈。與人能作頌。堯德豈須名。當寧需才急。
公應副聖明。

程博學

黃岡縣學

道接二千年。真人產晉魯。魯魂彼鳳凰。姿胸懷鬱瓊
玖。及第列蘭台。

帝命按三楚。三楚多沉痾。憫此江漢苦。化行絕暮年。

民式歌且舞。恢網去其三。陽運解其九。田野遍桑
麻。含哺千萬戶。父老嗟往事。扶杖嘆未有。借問楚
士人。何如漢君父。士人有口碑。口碑足千古。

月兔詩

張紹禎

武昌府學

謹按禮經稱以明視。釋官紀其吐生。迺知營窟之
爰爰。別有出類之皜皜。應卯星於東都。元是月精。
稟金色於西方。非關日浴。霜毫雪鬣。奪將璞玉荆。
山赤日朱瞳。姒綬丹砂勾。漏素毛亂。鶴渾疑足。練
之光。清影入蟾。載起在腹之顧。偏媿受采。差擬撒
塩。離月裏之姮娥。閒桂傍之杵臼。掩自虞羅。羅登諸
臺閣。恭惟

太宗師胸藏二酉。筆掃千軍。振起明時。鸞鳳屏除。當
道豺狼。祛弊維新。召和致瑞。漫橫天畢之施。罔守
田株之待。雙眸視斗。閃閃電掣。堪驚四體。搏冰。凜
凜霜威。難犯伴

臺中烏鳥同栖。暎冠上神羊一色。是皆山岳之貢珍。

豈直耳目之玩好。風人且咏其肅。見德愈加而賢
愈多。字義冕從於兔。言位彌高而志彌逸。光徹座
上冰壺。聿呈釋褐之喜。色照堦前玉樹。預徵脫穎
之才。平分明窟天香。名家名世。搗就長生僊藥。壽
國壽民。禎技雖愧於雕蟲。情亟深於燕賀。

趨趨超羣。盡洗畧。虞人得後。欲忘蹄。初驚毫帶千
林雪。更訝眸開萬丈霓。冠上神羊成一色。臺中烏
鳥伴雙棲。明光視草先呈兆。枚卜懸知拜紫泥。

鄭士傑 江夏縣學

光分蓮炬直承明。繡斧霜寒十五城。望重衡巫墓
峻極。化行江漢見澄清。厲階撤盡閭閻靜。肺石疏
通獄市平。莫道頌聲無應瑞。雲龍月兔一時呈。

徐宗孺 武昌府學

晉陽旺氣爵名臣。臺閣都推第一人。金馬橫馳揮
玉藻。青駉高擁布陽春。廉威掣嶽聲華重。風力擎
天寵命新。此去鳴珂霄漢上。應還史館肅朝紳。

張維祐

江夏縣學

才名特立鳳池頭。翰墨成波入漢流。政布閭閻春
麗谷。民沾愷澤雨浮坵。口碑彭蠡瀟湘遍。歌頌江
南衡岳周。芹曝自慚無所贈。還期節鉞到鄂州。

陳時夏

江夏縣學

持斧巡行遍楚濱。滿天花鳥盡生春。雷動三湘清
似水。風生九棘轉如輪。素簡嚴霜塞六月。禁臣青
鎖冠羣倫。成蹊已種桃千樹。築館猶多上國賓。蒼
蒼古柏垂恩遠。翩翩學子荷陶鈞。我
公有意施井澤。無處蒼生不感仁。

其二

嚴肅風清古大臣。如弦如矢貫星辰。劔動武曲皆
拱服。詞傾文海妙稱神。剔蠹案疏民快樂。損貲資
賑衆呻嘖。但知四境常安阜。寧料千秋祀與禋。

羅永年

武昌府學

驄馬南來踰楚疆。百城黎庶景龍光。繪圖堪下蒼

生淚草疏能趣墨吏裝。薑性含牽同屈軼。栢陰餘
庇勝其棠。清風兩袖朝
天去。補袞還期佐未央。

張

璿江夏縣學

帝咨藩國重金湯。特簡南巡振紀綱。鰲禁詞鋒叅造
化。烏臺氣節凜風霜。已蘇凋敝培邦邑。况著恩威
遍赤蒼。桃李盡沾時雨化。依依深幸植門牆。

張聯昂

武昌府學

德業垂千古。文章道獨尊。詞名魁翰苑。豸繡震湘
沅。蹊成桃李茂。諫議古今存。仰瞻蒼栢蔭。拜祝稍
酬恩。

朱華垞

府學宗

神鍾上艾冠。羣英萃拔南宮動。

帝京不謂文昌分翼軫。乃教法曜震荆衡。恩覃夢澤
其棠編。威別埏垓狡兔驚。屬在維城叨鼓吹。願依
臯北切蓬瀛。

朱盛瀝府學宗

豸節北闕下。旌旗擁護來。關心民隱切。注意儒珍
材。柏府光風際。烏臺化日開。問閭甦困苦。歌舞樂
徘徊。

華景星武昌府

卓爾擎天品。莖丰自顯昂。家聲雄上艾。世德衍西
疆。姱節森如柱。貞操凜如霜。選從金馬署。初拜紫
薇郎。清晝刪詩暇。高秋作賦狂。露盤侵漢表。宮柳

瑞鴉藏靜對。連雲閣晴聞。過關驥。倏然

宸命下。繡斧按荆湘。驄轡聲威肅。埋輪爭退荒。萬民
呼覆載。庶案憚彈章。秀發中衢曜。歌清冀野洋。鵬
愁悉歛跡。豪傑待煦揚。造化需參贊。經綸荷主張。
兩都推偉望。四表被輝光。從此陟樞筦。攄歆翊
聖皇。捐貲理庶務。勒鼎慶流芳。

九五恩榮渥。覓封奕世昌。瞻雲看擁旆。全楚永思長。

尹銳江夏縣

君是木天第一人。蓋珠宮裏價千金。巡行泰岱山霜
威遠。陶鑄湖湘霧變神。遍堊攀轅多父老。殊方擁
旆盡儒紳。從茲北向江煙別。願借雄才護

帝京。

李白華

武昌府學

螭辭分簡羨無雙。詞苑清心映碧幢。烟淨皂雕高
摩漢。雲蒸黃鵠迥臨江。化成衣被俱如繡。政肅威
稜自不龐。憲府獨看天北極。長瞻半采式雨那。

張震亨

江夏幼童耀男

夫子才名海內聞。何緣桃李託公門。口碑卹盡當
年政。廟祀難酬此日恩。兩袖清風朝

北極。一腔熱血酒中原。湖湘不久留名世。又見持圖

繪

帝閣。

楊天培

江夏儒童

日高衡岳爛鄉雲。名世才雄紫電零。秋水神羊驚

震盪清霄威鳳仰續紛時符咸五賢臣最績茂無雙

聖主聞已是民心尸祝永綬深國士况允殷

周有聲江夏儒童

滿天佳氣鬱葱浮特借

名賢到楚丘風肅湖波沉鯉靖雲間岳麓遠鴻優幾
行袖草爐烟馥載道歌棠俎豆修最是門墻殷就
日願依末照殿東頭

黎應元江夏儒童

風厲三湘持太阿滔滔南國盡恩波滿袖春風稱
解阜隨車霖雨蕩沉疴燕闕久懸金馬待楚天獨
望衮衣過無計留

公於信宿欲將俎豆拜鳴珂

周道開江夏儒童

繡斧南巡日先聲動楚天飛霜聞令譽命世挹高
賢漢水恩波滿江城化雨偏爭看桃李盛能使鏡

臯潛翰閣推才子。蘭臺紀政篇。採謠十五郡。虛左九重懸。鼎鼐思三輔。經綸待五絃。御屏書姓久。鳳詔下雲邊。

是歲仲夏。苦無雨。隨乞隨至。皆由我。

公德政格天。雨暘時若。因詠喜雨八首。敢爲貂續。

火雲如虎復如綿。飛過窮簷焰熾天。座有德星能默相。化爲霖雨徧桑田。

田間旱魃苦爲殃。八口嗷嗷怨彼蒼。靉靆雲興旋作雨。萬民從此卜安康。

謾道炎炎杲日升。雨暘時若慶休徵。應知直指格天意。滿布霽霓苗再興。

瀟湘久沐風雷化。鄂渚重沾沛澤蘇。遠邇歡騰堯舜世。奠安國社鞏皇圖。

明德從來可薦馨。精誠一念格蒼冥。其離陽司令雖多烈。河伯偏能默效靈。

露湛森林恩自久。霆轟寒谷稿皆舒。甘霖倏爾及時至。萬姓恬熙樂有餘。

四野雲如萬竈烟。溟然雨至畝成川。化工有意甦南土。特假淋漓報有年。

楚甸於今沾浩澤。八方向自望匡扶。龍飛嗟氣瀾霄壤。大快蒼生起壯圖。

余懋善

江夏儒童

沖融沆瀣飛凌喧。鴻龍金馬開天門。簡命掇來三

楚駿栢府呵歎消沉昏。不威之畏冷自溫。修文建武雄風起。淵默動民湏臾化。玉堂遊及流世史。恤釋無辜鋤巨惡。羅浮萬樹開寒光。旌表常存古賢哲。蕭森不讓晉羲皇。挾雷驚天隨車雨。靈山夢入教神嫗。馬通雲錦空成羣。筆陣斜飛穿玄鬼。蕩颺楚鼎原多恠。幸有直指使者來。一聲劃然紫陌曉。江南欲發館中梅。

申在列

江夏儒童

文臣夙望動重瞳。暫擁熊輅入郢中。譽永自宜英
髦仰。名高爭羨法星雄。千秋真氣觀巖肅。白代家
聲石艾隆。輔世勲猷昭日月。卽看法座列三公。

張正位

江夏儒童耀侄

白公白公恩無比。三湘七澤棠蔭起。水霜雨露盡
洪庥。口碑到處垂青史。玉署天開姓字香。驄馬駢
駢楚地揚。古有召公公是似。百年俎豆勝湘江。湘
江在在起人文。書院黌宮天地春。學本伊洛原有
自公門。桃李仰蜚聲。

張大明

江夏儒童

待詔承明白漢來。栢枝輝映楚雲崔。冠施鐵樹威
誠重。花飛霜簡節難回。到處杜棠歌召德。依然棧
樸起周才。馳旌丹陛今不遠。寵握衡鈞知鼎台。

明可遠

江夏儒童

鑿坡杼鳳藻。繡斧赫彤宸。題璞寧遺楚。臨妖豈後
秦。韋弦清百執。金玉重三賓。望者行行止。於君思

古人。

彭信武昌府學

楚人仰蒼祈。日翼奎臨此。最幸文光降。鳳池瀟湘。關上生无紫。德輿所過諸費興。欲比勳猷無容比。化滿江南。

聖主嘉計日。台鼎履金華。迄今千仞不可即。自後遺澤墜天花。事業文章稱絕藝。衆人景仰孰能繼。但喜茲身樂土居。咏謌唯有緇衣是。

朱盛澈府學宗生

代天一念播仁風。全楚留恩草木融。黌宮何幸蒙新創。武備從今用不空。王孫士子稱慈母。白髮黃童盡服巾。果是臺班威德鳳。特祠頂禮誦情濃。

吳斌江夏縣學

代天繡斧麗霜花。三晉文章齊太華。胸次遠吞雲夢澤。丰標朗映赤城霞。鼠狐早已匿三窟。雨露先滋足萬家。千載柏陰森楚甸。猶疑驄轡在若邪。

吳鼎相

江夏縣學

列栢臺高陰晝森。玉堂彩筆蜚英名。鯨鯢九派皆
宵遁。鷄犬千家總不驚。春滿瀟湘知化足。月明江
漢見心清。洞庭萬頃澄如練。浩渺恩波浴更深。

劉大臨

襄陽縣學

天挺人豪命世才。巍然節鎮仰崇台。威凌山岳風
霆壯。裏誓神明日月開。矯矯夔龍趨鳳闕。桓桓驄
馬避烏臺。情深遮道營棠峴。翹首勛猷振九垓。

吳承寵

興國州學

如雲栢森森。霜雪繁漢霄。原隰草木依。覆庇舒天
喬。烏棲益團團。棠味迴高標。大谷與天齊。萬彙均
蘇昭。

董光啓

江夏縣學

昔遊鳳凰池。今穿獬豸袍。狐狸愁斂跡。麟鳳喜遊
翺。甘雨隨時下。仁風到處調。循良千古愛。棠蔭有
餘高。

姚度雅

黃州府學

恭誦五十韻

清朝依召伯。聖代重臯夔。道范千秋美。文光百世
師。秩隆新紫閣。德盛攬皇揆。屹立螭頭近。巍然龍
鳳姿。廟廊支砥柱。華塞賴撐持。蚤霏金馬譽。更和
栢梁詩。天章驚漢廣。丰采靜漣漪。忽沐九重眷。來
巡七澤時。雨露深窮暨。風聲遐邇馳。太極嗣周子。
東山接魯尼。嶽川皆有色。日月已無私。電掃波瀾
寂。雲飛燕雀低。笑嘻成至理。怒罵揔慈悲。墨鈔鍾
王跡。情超李杜辭。建學開景運。立社衍昌期。峻勵
肅僚采。威稜振等夷。衡文冠鷄鷄。備武耀熊罷。濁
激看河潤。清澄視水滄。崇真分厚薄。敵撲挽澆漓。
簡端寒雪霰。豸角觸邪魑。不數參軍匏。惟媿開府
庾。趨廷知姓字。過目識鬚眉。力堅搜虎兕。威大攝
狐狸。預造干戈利。因班戰艦隨。愜情多帝子。適願
徹童兒。撫字留膏脂。催科別陋規。忠培指佞草。丹

比向陽葵。什用憑官置。郵傳漫自賚。行春看露冕。
按部勒驄騎。隄岸脩王政。橋梁順路達。福民綏老
少。壽國擬期頤。熱腸周困急。法忍救貼危。鑒拔甄
才使。標題任品資。英雄高入彀。髦士藉鉗錘。案牘
無留畧。精靈不暫欺。買田贍空乏。賃屋聽移居。重
門知洞闢。神氣透須彌。一路齊歌舞。三苗盡撫綏。
福臨全楚照。化及萬邦熙。百年歸懿矩。千載邈遐
思。遺愛千家滿。深恩萬戶滋。金石傳茂績。香篆遠
旌旗。攀轅頻洒血。祖駕罷耘耔。道傍巍廟貌。行旅
盡碑垂。南北甘棠蔭。西園翰墨宜。愧我駑駘輩。煩
公鞭策奇。感懷瞻戀久。佩德夢魂遲。位躋台鼎峻。
福竝斗山熹。何日燕臺上。重逢師友時。黃州姚度
雅。自拜進蕪詞。



